

續修四庫全書



《續修四庫全書》編纂委員會編

續修四庫全書

上海古籍出版社

治河通考

〔明〕劉隅撰

據上海圖書館藏明嘉靖十二年顧氏刻本影印原書版框高一九六毫米寬二八六毫米

八四七·史部·政書類

治河通考十卷

〔明〕劉隅撰

一

河防芻議六卷

〔清〕崔維雅撰

九三

天一遺書不分卷

〔清〕陳潢撰

二三九

治河全書二十四卷

〔清〕張鵬翮撰

二九三

2466/93

治河通考

〔明〕劉隅撰



據上海圖書館藏明嘉靖十二年顧氏刻本影印原書版框
高一九六毫米寬二八六毫米



治河通考序

訥菴吳公巡撫河南之踰年貞度飭傍
體宏理密謂河之災屢修塞勢煩足當
一邊之擾既擇才而任脫夏邑之知道
趙皮之豬又命前御史劉陽氏輯河書
開封顧守鐸刻版畢登良策可稽而法
馬嗟乎聖神如禹雖曰十有三載乃績
然不能獨後害自漢以來知議之能行
之勇力之腐舌刮齒焦心銷骨多者十
數年少者一二年輒決夷屋寢畝飄資
蕩生天子親沉璧馬臨水太息

國家都燕輓江南之粟上下咸寄命焉既
賴河以利舟楫亦恐其遂嚙漕渠粟至
稍後舉國困憊一邑一郡之災不暇恤
矣夫濟故道分橫流而後安舍是亡策
矣然沙積地高道然後塞升沙並岸水

至復然萬人之功付於烏有不若隨勢
相宜別就秦下之利而道之母與水爭
毋犯水怒毋惜棄田毋阻多口所占田
廬量給之費而蠲其租民亦樂從況並
河之田有填淤之饒可相易乎夫物激
有因水決以漸此塞彼行非由齊發蟻
穴可以毀防線隙可以崩郭故貴乎先
事而脩一歲不溢遂幸無為玩日愒月
坐待其不支況乎遷代之速不盡其才
官設之分不專其任卷婦築堤姑具苟
完買逸騰賈非利公家乎今夫農之作
垣也其基厚其上塗題畚孔良築削孔
力雖遭秋霖泛潦亡傷豪末官府作壩
或破百金不月而摧何哉農自為而官
為人也嘉靖癸巳春二月辛巳相臺崔
銑序







治河通考卷之一

河源考

夏書禹貢

導河積石至于龍門南至于華陰東至于砥柱又東至于孟津東過洛汭至于大伾北過洛水至于大陸又北播為九河同為逆河入于海

蔡傳曰河自積石三千里而後至龍門經但一書積石不言方向荒遠在所畧也龍門而下因其所經記其自北而南則曰南至華陰記其自南而東則曰東至底柱又詳記其東向所經之

治河通考

地則曰孟津曰洛汭曰大伾又記其自東而北則曰北過洛水又詳記其北向所經之地則曰大陸曰九河又記其入海之處則曰逆河自洛汭而上河行于山其地皆可考自大伾而下垵岸高于平地故決蓄流移水陸變遷而降水大陸九河逆河皆難指實然上求大伾下得碣石因其方向辨其故迹則猶可考也

釋氏曰自洛汭以上山水名稱迹道古今如一自大伾以下不特水道難考雖名山舊嘗憑河者亦復不可究辨非山有徙移也河既變遷年

世又遠人知新河之為河不知舊山之不附新河輒並河求之安從而得舊山之真歟

西漢書張騫傳

漢使窮河源其山多玉石采來天子案古圖書名河所出山崑崙云

西漢書西域志

西域中央有河其河有兩原一出葱嶺山下一出于闐于闐在南山下其河北流與葱嶺河合東注蒲昌海蒲昌海一名鹽澤者也去玉門陽關三百餘里廣袤三百里其水停居冬夏不增減皆以為

治河通考

潛行地下南出於積石

山海經

崑崙山縱橫萬里萬一千里去嵩山五萬里有青河二河一黑河環其墟其白水出其東北陬屈向東南流為中國河河百里一小曲千里一大曲發源及中國大率常然東流潛行地下至規期山北流分為兩源一出葱嶺一出于闐其河復合東注蒲昌海復潛行地下南出積石山西南流又東迴入塞過燉煌酒泉張掖郡南與洮河合過安定北地郡地流過朔方郡西又南流過五原郡南

又東流過雲中西河郡東又南流過上都河東郡西而出龍門汾水從東於北入河東即龍門所在龍門未開河出孟門東大溢是謂洪水禹鑿龍門始南流至華陰潼關與渭水合又東迴砥柱砥柱山名河水分流包山而過山見水中若柱然今陝州東河北陝縣三縣界及洛陽孟津所在至鞏縣與洛水合成臯與濟水合濟水出河北至王屋山而南截河渡正對成臯又東北流過武德與沁水合至黎陽信都信都今冀州絳水所在絳水亦曰潰水一曰漳水鉅鹿之北遂分為九河鉅鹿今邢

治河導考上

三

州大陸所在大陸澤名九河一曰徒駭二太史三馬頰四覆釜五湖蘇六簡七絜八鉤盤九南津又合為一河而八海濟相公塞九河以廣田居故館陶具丘廣川信都東光河間以東城池九河舊跡猶存漢代河決金隄南北多罹其害議者常欲求九河故迹而穿之未知其所是以班固云自茲距漢以亡其八枝河之故潰自沙丘堰南分也出焉故尚書稱導河積石至于龍門今絳州龍門縣又南至于華陰北至于砥柱東至于孟津在洛北都道所奏古今以為津東過洛納至于大伾洛納今

鞏縣在河洛合流之所也大伾山今汜水縣即故成臯也山禹成曰伾北過水至於大陸其絳水今冀州信都大陸澤名今邢州鉅鹿又北播為九河同為逆河入海是也同合出九河又合為一名為逆河逆行也言海口有潮汐以迎河水

水經 鄆道元注

崑崙墟在西北

三成為崑崙丘崑崙說曰崑崙之山二級下曰樊桐一名板松二曰玄圃一名閼風上曰層城一名天庭是謂太帝之居

治河導考上

四

去嵩高五萬里地之中也

禹本紀與此同高誘稱河出崑山伏流地中黃三千里禹導而通之出積石山按山海經自崑崙崙至積石一千七百四十里自積石出隴西郡至洛準地志可五千餘里

河水出其東北陬

春秋說題辭曰河之為言荷也荷精分布懷陰引度也釋名曰河下也隨地下處而通流也考異郵曰河者水之氣四潰之精也所以流化元命苞曰五行始焉萬物之所由生元氣之腰液

也孝經援神契曰河者水之伯上應天漢風俗通曰江淮河濟為四瀆四瀆通也所以通中國垢濁白虎通曰其德著大故稱瀆

屈從其東南流入于渤海

山海經曰南即從極之淵也一曰中極之淵深三百仞唯馮夷都焉括地圖曰馮夷恒乘雲車駕二龍河水又出於陽紆陵門之山而注於馮逸之山

又出海外南至積石山下有石門河水冒以西南流河水又南入葱嶺山

治河通考上

五

河水重源有三非為二也一源西出捐毒之國葱嶺之上西去休循二百餘里皆故塞種也南為葱嶺高千里西河舊事曰葱嶺在燉煌西八千里其山高上生葱故曰葱嶺也

又西逕罽賓國北

月氏之破塞王南君罽賓治循鮮城土城平和無所不有金銀珍寶異畜奇物踰於中夏大國也

又西逕月氏國南又西逕安息南與蜺羅跋祿水同注雷翁海

釋氏西域傳曰蜺羅跋祿出阿耨達山西之北逕于闐國漢書西域傳曰于闐以西水皆西流注于西海

又西逕四大塔北又西逕陀衛國北河水又東逕皮山國北其源出于闐國南山北流與葱嶺河合東注蒲昌海

又西北流注于河

即經所謂北注葱嶺河也

南河又東逕于闐北

釋氏西域記曰河水東流三千里至于闐屈東

治河通考上

六

北流者也漢書西域傳曰于闐已東水皆東流南河又東北逕杆彌國北又東逕且末國北

北河又東北流分為二水枝流出焉北河自踈勒逕流南河之北

北河又東逕莎車國南

治莎車城西南治去蒲黎一百四十里漢武帝開西域曰於此有鐵山出青玉

北河之東南逕溫宿國

治溫城上地物類與鄯都同北至烏操赤谷六百一十里東通姑墨二百七十里於此枝河右

入北河

北河又東逕姑墨國南

入姑墨川水注之導姑墨西北赤沙山東南流

逕姑墨國西治南至闐馬行十五日

河水又東逕注賓城南又東逕樓蘭城南而東注

河水又東注于泐澤

即經所謂蒲昌海也水積鄯鄯之東北龍城之

西南龍城故姜賴之靈胡之大國也蒲海溢盪

覆其國城基尚存而至大晨發西門暮達東門

澮其岸岸餘溜風吹稍成龍形皆西面向海因

治河考上

名龍城

又東入塞過燉煌酒泉張掖郡南

河水又自東河曲逕西海郡南

河水又東逕允川而歷大榆谷北

又東過隴西河關縣北洮水從東南來流注之

河水又東北流入西平郡界左合二川南流又河

水東又逕澆河故城北又東北逕黃川城河水

又東逕石城南左合北谷水又東北逕廣遠城北

又合烏頭川水河水又東臨津溪水注之東逕青

岸北洮水注之又東過金城允吾榆中天水安定

北界麥田山河水東北流逕於黑城北又東北高
平川水注之又北過北地富平縣西

以後俱逕晉地

又南出龍門口汾水從東來注之南逕于夏石室

又南至華陰潼關渭水從西來注之河水歷船司

空與渭水會河水又東北至澗水注之又東過砥

柱間河之右則峭水注之河水又東于峭之水注

焉又東過平陰縣北又東至鄧清水從西北來注

之又東逕平陰縣北河水右會淇水河水又東過

平陰縣北湛水從北來注之河水又東

治河考上

河水又東逕洛陽縣北河水又東淇水入焉又東

沛水注焉又東過鞏縣北洛水從縣西北流注之

又東過成臯縣北濟水從北來注之

河水東逕成臯大伾山下南對玉門又東合汜水

又東逕五龍塢北又東過滎陽縣浪蕩渠出焉

河水又東北逕卷之扈亭北德縣東沁水從之東

至酸棗縣西濮水東出焉河水又東北通謂之延

津又逕東燕縣故城北則有濟水自北來注之

河水又東淇水入焉又東逕遮害亭南又右逕滑

臺城又東北過黎陽縣南自津東北逕涼城縣又

東北逕伍子胥廟南又東北為長壽津

至于大陸北播于九河

以後俱逕衛魯趙地北入海

元史河源附錄

河源古無所見禹貢導河止自積石漢使張騫持節通西域度玉門見二水交流發葱嶺超于闐隄鹽澤伏流千里至積石而再出唐薛元鼎使吐蕃訪河源得之於悶磨黎山然皆歷歲月涉艱難而其所得不過如此世之論河源者又皆推本二家其說恠誕總其實皆非本真意者漢唐之時外夷

治河導考上

九

未盡臣服而道未盡通故其所往不無迂回艱阻不能直抵其處而究其極也元有天下薄海內外人迹所及皆置驛傳使驛往來如行國中至元十七年命都實為招討使佩金虎符往求河源都實既受命是歲至河州之東六十里有寧河驛驛西南六十里有山曰殺馬關林麓窮隘舉足浸高行一日至巔西去愈高四閱月始抵河源是冬還報并圖其城傳位置以聞其後翰林學士潘昂霄從都實之弟關開出得其說撰為河源臨川朱思本又從公八里吉思家得帝師所藏梵字圖書而

以華文譯之與昂霄所志互有詳畧今取二家之書考定其說有不同者附注于下按河源在吐蕃朵耳思西鄙有泉百餘泓沮洳散渙弗可逼視方可方八十里履高山下瞰鑿若列星以故名火敦腦兒火敦譯言星宿也思本日河源在中州西南直四川馬湖蠻部之正西三千餘里雲南麗江宜撫司之西北一千五百餘里帝思撒思加地之西南二千餘里水從地涌出入井其井百餘東北流百餘里匯為大澤曰火敦腦兒群流奔轅近五七里匯二巨澤名阿刺腦兒自西而東連

治河導考上

十

屬吞噬行一日迤邐東驚成川號赤賓河又二三日水西南來名赤里出與赤賓河合又三四日水來南名忽蘭又水東南來名也里木合流入赤賓其流浸大始名黃河然水猶清人可涉思本日忽蘭河源出自南山其地大山峻嶺綿亘千里水流五百餘里注也里出河也里出河源亦出自南山西北流五百餘里與黃河合又一二日岐為八九股名也孫幹倫譯言九渡通廣五七里可度馬又四五日水渾濁土人抱革囊騎過之聚落糾木幹象舟傳髦革以濟僅容兩人自是兩山峽

束廣可一里二里或半里其深叵測朵耳思東北
有大雪山名亦耳麻不莫刺其山最高譯曰騰乞
里塔即崑崙也山腹至頂皆雪冬夏不消土人言
遼年成冰時六月見之自八九股水至崑崙行二
十日思本日自渾水東北流一百餘里與懷里火
禿河合懷里火禿河源自南山正北偏西流八
百餘里與黃河合又東北流一百過即麻哈地
又正北流一百餘里乃折而西北流二百餘里
又折而正北流一百餘里又折西而東流過崑
崙山下番名亦耳麻不刺其山高峻非常山麓
綿亘五百餘里河隨山足東流過撒思家即闊
闊提地河行崑崙南半日又四五日至地名而
闊及闊提二地相屬又三日地名哈刺別里赤兒
四達之衝也多寇盜有官兵鎮之近北二日河水
過之思本日河過闊提與亦西八思今河合亦西
八思今河源自鐵豹嶺之北正北流凡五百餘
里而與黃河合崑崙以西人簡少多處山南山
皆不穹峻水益散漫獸有髦牛野馬狼狽獐羊之
類其東山益高地益漸下岸狹隘有狐可一躍而
越之處行五六日有水西南來名納隣哈刺譯言

治河集上

土

治河集上

土

細黃河也思本日哈刺河自白狗嶺之北水西北
流五百餘里與黃河合又兩日水南來名乞兒
馬出二水合流入河思本日自哈刺河與黃河合
正北流二百餘里過河以伯站折而西北流經
崑崙之北二百餘里與乞里馬出河合乞里馬
出河源自威茂州之西北岷山之北水北流即
古當州境正北流四百里折而西北流又五百
餘里與黃河合河水北行轉西流過崑崙北一
向東北流約行半月至歸德州地名必赤里始有
州治官府州隸吐蕃等處宣慰司司治河州又四
五日至積石州即禹貢積石五日至河州安鄉關
一日至打羅坑東北行一日洮河水南來入河思
本日自乞里馬出河與黃河合又西北流與鵬
援河合鵬援河源自鵬援山之西北水正西流
七百餘里通禮塞塔失地與黃河合折而西北
流三餘里又折而東北流過西寧州貴德州馬
嶺凡八百餘里與邈水合邈水源自青唐宿軍
谷正東流五百餘里過三巴站與黃河合又東
北流過土橋站古積石州來羗城廓州構米站
界都城凡五百餘里過河州與野龍河合野龍

河源自西傾山之北水東北流凡五百餘里與黃河合又東北流一百餘里過踏白城銀川站與湟水浩疊河合湟水源自祁連山下正東流一千餘里注浩疊河浩疊河源自刪丹州之南刪丹州下水東南流七百餘里注黃水然後與黃河合又東北流一百餘里與洮河合洮河源自羊撒嶺北東北流過臨洮府凡八百餘里與黃河合又一日至蘭州過北下渡至鳴沙河過應吉里川正東行至寧夏府南東行即東勝州隸大同路自發源至漢地南北澗溪細流旁貫莫知

治河考上

五

紀極山皆至積石方林木暢茂世言河九折彼地有二胡蓋乞兒馬出及貴德必赤里也思本曰自離水與河合北流過達地凡八百餘里過豐州西受降城折而正東流過達地古夫德軍中受降城東受降城凡七百餘里折而正南流過大同路雲內州東勝州與黑河合黑河源自漢陽嶺之南水正西流凡五百里與黃河合又正南流過保德州及興州境又過臨州凡一千餘里與吃那河合吃那河源自古宥州東南通陝西有綏德州凡七百餘里與黃河合又

南流三百餘里與延安河合延安河源自陝西蘆子關亂山中南流三百餘里過延安府折而正東流三百里與黃河合又南流三百里與汾河合汾河源自河東朔武州之南亂山中西南流過管州冀寧路汾州霍州晉寧路絳州又西流至龍門凡一千二百餘里始與黃河合又南流二百里過河中府過潼關與太華太山綿亘水勢水可復南乃折而東流大陂河源東北流所歷皆西蕃地至蘭州凡四千五百餘里始入中國又東北流過達達地凡二千五百餘里始

治河考上

五

入河東境內又南流至河中一千八百餘里通計九千餘里
國朝河南總志所載河源及繞雖畧於古說然詳于近蹟今亦附錄于后
黃河源出西蕃星宿海貫山中出至西戎名細黃河繞崑崙至積石經陝西山西境界至河中潼關流經河南之閿鄉靈寶陝西池新安濟源孟津孟筆溫汜水武陟河陰原武滎澤陽武中牟祥符尉氏陳留通許杞太康睢寧陵歸德諸州縣至直隸亳縣馬丘村合馬腸河城西北合渦河東至直隸